

TE HEHEURAA API



TENUARE 1939


Parau Aroha No Te MATAHITI API

UA mairi a'e ra te matahiti 1938, e ua tae mai te matahiti 1939. Ua parauhia te matahiti 1938, te matahiti tahito i teie nei; e te matahiti 1939, te matahiti apî. Ua parau atu tatou i te matahiti tahito, Ia ora na oe, i to haere-raa'tu. Te parau atu nei tatou i te matahiti apî, Ia ora na oe i to haereraa mai. Ia tupu te mau mea maitai i nia iho ia tatou atoa i roto i teie nei matahiti apî.

Ua itehia e tatou te mau mea e rave rahi tei tupu i te matahiti 1938, e ua ite-ore-hia â e tatou te mau mea e tupu i te matahiti 1939. Ua farerei paha tatou i te oaoa e te oto i te matahiti tahito; ua farii atoa hoi tatou i te mau haamaitairaa maitai no ô mai i te Atua ra, e a ore râ, te mau faahaparaa no'na ra. Atira noa'tu, ia oaoa â tatou e ia vai â tatou i roto i te ohipa maitatai, ia tia ia tatou ia farii i te mau haamaitairaa i mana'ohia e te Atua na tatou. Ia tupu te haamaitairaa maitai i nia iho i te hoê taata, e faarironia paha te reira ei haamaitairaa au ore na te tahi taata.

Ua riro Iesu Mesia ei faaora no to te ao nei. O te haamaitairaa rahi roa'tu te reira i te maitai na to te ao; area râ, ua tupu te pohe i nia iho ia Iesu.

Ia haamana'o atoa tatou i te parau aamu no Ioba. Ua hamani ino Satane ia'na e ua faatia te Atua i te reira. I te reira matahiti râ, ua mana'o mau te tahi mau taata e, te faahapa ra te Atua ia Ioba no ta'na ra mau hara. Area râ, aita ta Ioba e hara, e tamataraa ana'e râ ia o to'na ra faaroo i te



E hoho'a teie no SETEFANO, ta'i na vahine o AIONA e to'ia-
na mau tamahine o KATERINA, MAREVA e o YARA.

Atu
raa
roo.
mai
man
E.
ture
“
oia t
mai
hoi t
U.
haat
At
i te t
ana'
i te t
“I
atur
e ma
teie
tu oe
e te t
taio :
“C
ia arc
“H
mai i
e pu
outou
(Mat
roa i
te fa
Atua
te ao
Ia
ia pu

Atua. I muri a'era, ua faatia-faahou-hia te mau haamaitairaa maitai i nia iho ia'na e te Atua no te rahiraa o to'na faaroo. Ia vai â tatou i roto i te faaroo mai ia Ioba. Ua haapao maitai ra o Ioba i te mau faaueraa a te Atua noa'tu te hamani ino ra i faatupuhia i nia iho ia'na.

Eaha ia ta te Atua i faaite mai ia tatou no ta'na ra mau ture ?

“ Tei ia'na ta'u ra parau e ua haapao oia i taua parau ra, oia tei hinaaro mai ia'u; e tei hinaaro mai ia'u ra, e herehia mai oia e tau Metua ra; e e here hoi au ia'na, e e faaite atu hoi au ia'na ia'u iho.” (Ioane 14:21)

Ua faaite atu te Atua ia'na iho ia Ioba na roto i te mau haamaitairaa i faatia-faahou-hia i nia iho ia'na.

Atira noa'tu te huru o te mau hamaitairaa i fariihia e tatou i te matahiti 1938, ia opua tatou i teie iho taime e, e rave ana'e tatou i te ohipa maitai i te matahiti 1939 e ia haapao i te mau ture a te Atua, ta'na i horoa mai ia tatou nei.

“E Rabi, teihea te parau rahi i roto i te ture ? Ua parau atura Iesu, Hinaaro oe i to Atua ia Iehova ma to aau atoa, e ma to varua atoa, e ma to mana'o atoa. O te ture matamua teie e te hau i te rahi. E mai te reira atoa te piti; E aroha'tu oe i to taata-tupu, mai to aroha ia oe iho na. Te ture atoa e te mau peropheta, tei teie nei ia pue ture e piti nei.” (Mataio 22:35-40)

“O te mea teie e ite ai te taata atoa e, e pīpī outou na'u, ia aroha outou ia outou iho.” (Ioane 13:35)

“E aroha'tu i to outou mau enemi; e faaora'tu i tei tuhi mai ia outou; e hamani maitai atu i te feia i riri mai ia outou; e pure hoi i te feia i parau ino mai e tei hamani ino mai ia outou; ia riro outou ei tamarii na to outou Metua i te ao ra.” (Mataio 5:44-45) “I aroha mai te Atua i to te ao, e ua tae roa i te horoa mai i ta'na Tamaiti fanau tahi, ia ore ia pohe te faaroo ia'na ra, ia roaa râ te ora mure ore. Aore hoi te Atua i tono mai i ta'na Tamaiti i te ao nei e faahapa mai i to te ao, ia ora râ to te ao ia'na.” (Ioane 3:16, 17)

Ia na reira tatou paatoa i teie nei matahiti apî, o ta matou ia pure.

Papahia e Setefano e To'na Utuafare.

TE PARAU AUTAHU'ARAA

No te Ava'e FEBUARE

TE MAU TAATA TUIROO O TE
FAUFAA TAHITOA FAATANO I TEIE MAU UIRAA I NIA I TE
MAU TAATA'TOA E HAAPIIHIA

1. E perophetā anei oia ?
2. Ua tohu mai anei oia i te tahi mau tohuraa ?
3. Ua tupu anei ta'na mau tohuraa ?
4. Eaha te huru o to'na maitiraahia ?
5. Eaha te mau ohipa i faataahia na'na ?
6. E mea tia anei to'na raverā i ta'na ohipa, e a ore rā, aita anei ?
7. Eaha te tumu i na reira'i oia ?
8. Ua mauruuru anei te Atua ia'na ? No te aha ?
9. Eaha te rê i roa ia'na ?
10. Eaha te faufaa rahi no to'na ora ?

Febuare 5. ISAACA. Genese 15:1-6; 17:15-19; 18:9-15;
21:1-8; 22; 24; 25; 27; 28; Hebera 11:9, 17,
20; Galatia 4:28.

Febuare 12. ESAU raua o IAKOBA. Genese 25:23-34; p. 27-
37, 45-50.

Febuare 19. IOSEPHA. Genese 30:22-24; p. 37-50.

Febuare 26. Mahana hi'opoaraa.

Na Te Mau Maapii
Mahaere na te Mau Utuafare

TE MATAHITI API

PARAUHIA'TU hoi outou, e te mau taeae, ia noaa
te tiamā; eiaha rā taua tiamā ra ei faatupu i ta te
tino, ei auraro aroha rā to outou ia outou iho. Ua hope roa hoi
ta te ture i te parau hoē nei, oia te parau rā e, E aroha oe i to
taata-tupu mai to aroha ia oe iho na. (Galatia 5:13, 14)

Ia feruri tatou i nia i te matahiti apî e te matahiti i mairi
a'enei atoa hoi, e faatupuhia i roto ia tatou te mauruuru ra-

hi i
mau
na r

E
pea
nei i
te m
tau,
a te
nia i

E,
i te
mau
hine
i to
rahi
ohip

E
faao
E m
inoir
tau
taata
mau
aura
hau

E
i te
i te
huru
te ha

Ei
e te f
mai t

I p
faain
I v
utunt

E r
outou
taeae

hi i te Atua no to'na faaherehere-maite-raa ia tatou, e no te mau haamaitairaa atoa tei fariihia e taton no roto mai i to'na rima aroha i te matahiti 1938.

E mea hau roa'tu to Te Feia Mo'a i te Mau Mahana Ho-pea Nei mau haamaitairaa i to te mau taata'toa o te faaea nei i nia i te ao nei. No te aha? No te mea ua horoahia mai te mau parau mau nehenehe roa o te Evanelia ia tatou i teie tau, e na roto hoi i te haapao-maitai-raa i te mau faaueraa a te Atua, i ninihia mai ai te mau haamaitairaa huru rau i nia ia tatou.

E, i teie nei, ia fariu noa â tatou i te Atua e tia'i. I roto i teie matahiti apî nei eiaha roa tatou ia faatia i te oto e te mauui ia tupu i roto i to tatou mau taeae e to tatou mau tuahine. Ia rave râ tatou paatoa i to tatou tufaa ia tauturu noa i to te Atua mau tamarii atoa, ia noaa mai ia tatou te oaoa rahi, oia hoi, te oaoa e fariihia na roto i te raveraa i te mau ohipa tauturu i to tatou mau taata tupu.

E mea tia ia vai noa te aroha i roto i to tatou mau aau, ia faaorehia hoi te inoino e te riri e te aroha ore i roto ia tatou. E mai te mea e, te vai nei te tahi peapea e a ore râ te tahi inoino i ropu i na taata toopiti i roto i to tatou mau taeae, o teie ia te tau maitai no te faaoreraa i te reira. Ia faaafaro râ te hoê taata ia'na iho na mua, e i reira e nehenehe ia imi oia i te mau ravea ia faaafarohia to'na mau hoa, ia parauhia ma te auraa mau, *Ia haamaitaihia te Atua i nia i te ra'i teitei, ei hau to teie nei ao, e ia ite auhia mai te taata nei.* (Luka 2:14)

E mea tia i te mau melo atoa o te Ekalesia nei ia haamata i te matahiti apî na roto i te faaore i te hara, e na roto hoi i te opereraa i te oaoa e te maramarama e te mau tautururaa huru rau i to te ao nei. Ia na reira tatou na roto i te mārû e te haehaa.

Ei reira te arii e parau a'e ai i tei tana rima atau ra, A haere mai outou, e te feia i faaorahia e tau Metua, e parahi i te basileia i haapaohia no outou mai te hamaniraa mai o te fenua nei ra:

I poia na hoi au, e ua horoa mai outou i te mae na'u; i poihâ na vau e ua faainu mai outou ia'u; e e taata e au, e ua ite mai outou ia'u:

I veve na vau, e ua faaahu mai outou ia'u; i pohe na vau i te ma'i, e ua utuntu mai outou ia'u; i roto vau i te tapearaa e ua haere mai outou ia'u ra.

E na ô a'e te arii i te parau ia ratou, na ô a'era, Oia mau ta'u e parau ia outou nei, O outou i na reira i te hoê taeae iti haihai roa i roto i tau mau taeae nei, ua na reira mai ia outou ia'u. (Mataio 25:34-40)

TE SOTAIETE VAHINE TAUTURU

No te Ava'e FEBUARE

Irava tamaū aau: Ioane 8:10,11

E teie nei vahine, teihea te feia i pari mai ia oe nei aore roa e taata i faautua mai ia oe na Ua parau maira oia, Aore roa, e tau Fatu: ua parau a'ura Iesu ia'na, Eita atoa vau e faautua'tu ia oe: a haere, eiaha râ ia hara faahou.

Haapiiraa

Mahana Maha (Matamua)

Mahana iritiraa mana'o.

A maiti i na tuahine no te hahere i te mau utuafare ma te haapii i te parau no te AROHA e te FAAOROMAI. Parau tumu: *Teie râ tau parau ia outou e faaroo mai na, E aroha i to outou mau enemî, e hamani maitai atu i te feia i riri mai ia outou. E faaora i te feia i tui mai ia outou, e pure hoi i te feia hamani ino mai ia outou. O tei moto mai i to papari'a na, e fariu atoa'tu i te tahi; e o tei rave mai i to ahupu na, eiaha atoa e tapea i to pereue. * E aroha atoa hoi outou mai to outou Metua e aroha maira. (Luka 6:27-29, 36)*

Mahana Maha (Piti)

E faaite mai na tuahine hahere i te huru o to raua haereraa.

A haapii i te parau no te aposetolo o te Mesia ra, o Philipa, e paraparau no nia i to'na maitiraahia, te ohipa i faataahia na'na e to'na raveraa i te reira, e to'na poheraa. (Ioane 1:43-46; 6:5-7; 15:20-23; 14:8, 9)

Mahana Maha (Toru)

Te aposetolo ra, o Iakobo. A haapii i te parau no'na e to'na metua vahine. A paraparau no nia i to'na maitiraahia e ta'na ohipa. Nafea oia i pohe ai? (Mareko 1:19, 20; 5:35-43; 16:1; Mataio 4:21, 22; 17:1-3; 20:20-22; Luka 9:52-55; Ohipa 12:1, 2)

Mahana Maha (Maha)

A faariro i teie mahana ei mahana hi'opoaraa, e a ore râ, ei mahana raveraa ohipa. Ia imi tatou i te mau ravea ia ravêhia te ohipa maitai i pia i te mau mahana maha hopea, mai tehamaniraa i te mau ahua taoto, te mau tifaifai e te mau vehi turua, e a ore râ, i te faaneheneheraa i te fare pureraa e te aua.

Irav
Te
tou i

I t
raa i
na to
i to t
ra, e
3:17

e p
rei
na
na

Te
te A
ihora
ra.
tiam

Te
na r
mua
i ta'
faah
tia i
rave
ia'na
faati
iho
Ekal
pea

TE FEIA API.

OHIPA NO TE AVA'E FEBUARE.

Irava tamau aau no te hepetoma 1 e te 2: Hiro'a Faaroo N° 2.

Te faaroo nei matou e, e faautu'ahia te taata atoa no ta ratou iho mau hara, eiaha ra no te hara a Adamu.*E Haapiiraa No Nia I*

TE TIAMA.

I te matamua ua tuuhia mai te mau ture e te mau faaue-
raa i mua i te aro o Adamu, e ua faaite atoa mai te Atua ia'-
na te mau utu'a e roaa ia'na ia ofati oia i te mau ture. *Area
i to te raau e ite ai i te maitai e te ino, eiaha oe e amu i te rei-
ra, ei te mahana e amu ai oe i te reira, e pohe ia oe. (Genese
3:17)*

E teie nei, e haamana'o, e haamana'o, e au mau taeae, o te pohe ra,
e pohe no'na iho ia, e o te rave i te parau ino, te rave ra ia oia i te
reira no'na iho; inaha hoi, e feia tiamâ outou; e tia ia outou te rave
na to outou iho; inaha hoi, na te Atua i ho mai te ite ia outou, e na'-
na i faariro ia outou ei feia tiamâ. HELAMANA 14:30.

Te vai ihoa ra te tiamâ ia Adamu. (Ahiri aita ra, no te aha
te Atua i tuu mai ai i te raau no te maitai e te ino ra?) Mait
ihora oia i to'na purumu na roto i to'na iho hinaaro, hi'a'tu-
ra. E mai reira mai â te vai noa ra, e te vai noa nei â hoi te
tiamâ i te taata no te maitiraa i te e'a e haerehia e ana ra.

Te vai nei na mana e piti i roto i te ao nei, e taua na ma-
na ra, o te mana o te diabololo e te mana o te Atua ia, e tei
mua noa i te taata te maitai e te ino. E tauturu noa te Atua
i ta'na mau tamarîi i te rave i te ohipa maitai, eita râ oia e
faahepo mai e e haavî i te taata. (Ioane 14:23) Aita hoi e
tia i te diabololo ia faahema noa i te taata te tamau noa i te
rave i te ohipa a te Atua. Tera ra, tei te taata iho te parau
ia'na iho, e tei ia'na te faataaraa i ta'na ohipa. *No reira i
faatia'i te Fatu, te Atua, ia rave te taata mai te au i to'na
iho hinaaro. (2 Nephi 2:16)* E haapiiraa tuutuu ore teie i te
Ekalesia a Iesu Mesia i te Feia Mo'a i te Mau Mahana Ho-
pea Nei.

Te Mau Uiraa: 1. Eaha te auraa o te parau “tiamâ”? 2. I nafea te tiamâ i horoahia mai ai i te taata nei? 3. Eaha na mana e piti i roto i te ao nei? 4. No vai taua na mana e piti nei? 5. Na vai to Adamu purumu i maiti? 6. No te aha te Atua i faatia’i ia Satane ia rave i ta’na ohipa ino i te ao nei?

Haapiiraa Piti No Nia I

TE HARA E TO’NA RA UTU’A

E ite atura hoi au i tei pohe ra, e te taata rii e te feia rarahi, i te tiarau i mua i te Atua; e heua ihora na buka ra; e heua ihora hoi te tahi buka, oia te buka ora ra; e haavahia ihora taua feia i pohe ra i te mau parau i papaihia i roto i taua na buka ra, i ta ratou ra mau ohipa. E ua tuu maira te miti i te feia i pohe i roto ia’na ra, e ua tuu maira te apoo e hade i te feia i roto ia raua ra, e haavahia ihora ratou atoa i ta ratou mau ohipa. (Apokalupo 20:12-13)

Te Hara: *O tei rave i te hara ra, o te faahapa ia i te ture; o te faahapa hoi i te ture ra, o te hara ia. (1 Ioane 3:4)* Ua tuu mai te Atua i te mau ture e te mau faaueraa i te taata ma te parau e, a haapao i teie mau mea ia hinaaro outou i te maitai. Ua faaité atoa mai Oia i te mau utu’a no te rave-raa i te mau ohipa au ore i te ture.

Te Hara Tumu: Ua ofati Adamu raua o Eva i te ture a te Atua i to raua amuraa i te raau i rahuihia e ua parauhia te reira te hara tumu no te mea o te hara matamua ia o tei ravehia i teie ao. Ua farii hoi raua i te utu’a no taua hara ra, e ua tiavaruhia raua i rapae au i te ô i Edene. No ta raua hara hoi te pohe i ô mai ai i te ao nei. Aita ra tatou e farii te utu’a no taua hara tumu ra, no te mea e ua faaora Iesu ia tatou.

Te Utua no te Hara: O te utu’a no te hara, o te pohe ia. (Roma 6:23) E farii ra te taata i te utu’a ino mai te au i te hara ta’na i rave, e farii hoi oia i te utu’a maitai mai te au i te ohipa maitai ta’na i rave.

E hopoi atoa te Atua i te mau parau atoa i te haavaraa, e te mau mea moe atoa ra, te maitai e te ino atoa ra. (Kohele-ta 12:14)

TE TARA EHARA A TE MESIA

→→→→←←←←

Ua na reira te Atua no to'na here rahi i to'na mau tamarii i te ao nei. Ahiri aita Oia i tono mai i ta'na Tamaiti ei Faaora, eita roa te taata e tia faahou mai e e farii te ora mure ore. *I aroha mai te Atua i to te ao, e ua tae roa i te horoa mai i ta'na Tamaiti fanau tahi, ia ore ia pohe te faaroo ia'na ra, ia roaa ra te ora mure. Aore hoi te Atua i tono mai i ta'na Tamaiti i te ao nei e faahapa mai i to te ao, ia ora to te ao ia'na. (Ioane 3:16-17)*

Ua ite e ua faaite mai nei te mau peropheta tahito i te parau no Iesu e te taraehara. *Ua fanau mai te hoê tama na tatou, ua horoahia mai te hoê tamaiti na tatou; ei niara i to'na ra tapono te hau vai ai; e mairihia to'na i'oa, ia Hau e, e A'o, te Atua puai, te Metua no te ui a muri atu, te Arii no te hau. (Isaia 9:6) A tai'o atoa i te Deuteronomi 18:15-19; Ioba 19:25-27.*

Te Mau Uiraa: 1. I nafea Iesu i faataahia'i nota'na ohipai te ao nei? 2. Eaha ia ta'na ohipa? 3. No te aha te Atua i faataa'i ia'na ei faaora? 4. Na vai to Iesu ora i haru? 5. Na vai i faaue ia Iesu ia horoanoa i to'na ora? 6. Ua haere mai anei Iesu no te faahaparaa itote ao? 7. O vai te hoê Peropheta tahito tei faaite mai ite mau parautohuno Iesu? 8. Eaha ta'na tohuraa?

Haapiiraa Maha No Nia I Te

TE FAAORARAA

Eiaha e maere i te reira; te fatata mai nei hoi te hora e faaroo ai te feia atoa i roto i te apoo ra i ta'na reo, e e haere mai i rapae; e te feia i mau na i te parau maitai ra, e tia mai ia e rave i te ora; e te feia hoi i mau na i te parau ino ra, e tia mai ia e rave i te pohe. (Ioane 5:28-29)

Te Tia-faahou-raa: O Iesu ia te matamua o tei tia-faahou mai, mai te pohe mai, e na muri a'e ia'na e tia-faahou mai ai te mau taata atoa, na roto i te aroha o te Fatu. Te na ô mai ra te parau tumu matamua i nia a'e, e rave ra te feia parau tia i te ora, e e rave hoi te feia parau ino i te pohe.

Te Haavaraa: Ia faautu'ahia te taata i te mahana hopea e farii oia i to'na parahiraa i te ao a muri atu mai te au i te mau ohipa ta'na i rave a faaea'i oia i nia i te ao nei. Eita roa te taata maitatai e farii i te hoê parahiraa mai ta te taata iino e farii, no te mea e mea rahi roa te mau huru o te taata e te huru hoi o ta ratou ohipa i te ao nei. Aita hoi te mau taata e au maitai te tahi i te tahi. E no te reira te Atua i faaineine ai i te mau huru hanahana e rave rahi, ia au i te taata e ta'na ra ohipa.

Te Ao â Muri Atu: I ta Paulo Episetole matamua i to Korinetia ra, ua papai oia e, *E anaana ê to te mahana, e anaana ê to te marama, e anaana ê to te mau fetia; e huru ê hoi to te tahi fetia i to te tahi i te anaana. Oia atoa te tia-faahou-raa o tei pohe ra. (1 Korinetia 15:41-42)*

Ua parau maira te Mesia i ta'na mau pīpī, na ô maira: *E rave rahi te parakiraa mau i te fare o ta'u Metua ra; ahiri aita ra, ua parau atu ia vau ia outou. Te haere nei au e haamaitai i te hoê vahi no outou.* (Ioane 14:2)

E tia faahou ihoa te taata, tera ra, eita roa te Atua e faahopo ia'na i te parahiraa maitai. Ia tae te taata i reira, ua na roto ia i ta'na iho ohipa, oia hoi, i to'na haapaoraa i te mau ture e te mau faaueraa a te Evanelia nei, mai te au i tei haapiihia e Iesu e te mau peropheta.

Te Mau Uiraa: 1. O vai te tia-faahou mai 2. O vai te matamua tei tia-faahou mai 3. E tia faahou mai te feia parau maitai i te aha 4. Eaha te auraa o te parau, "e tia faahou mai te feia parau ino e rave i te pohe 5. E hia parahiraa to te ao a muri atu 6. E hia hanabana 7. E farii te taata i to'na huru hanabana mai te au i ta'na aha

HAAPIIRAA SABATI

No te Ava'e FEBUARE

PUPU PARAIMERE

Irava tamau aau: *Roma 12:9,10*

Ei aroha haavare ore â. Ia riaria i te ino; ia ati atu i te maitai. Ei atiraa aroha mau to outou ia outou iho, i te aroha taeae ra; i te faaturaraa'tu te tahi i te tahi.

Haapiiraa

Febuare 5. Te ua auahi tei topa i nia i te hoê oire.

Genese 19:1-30.

Febuare 12. Te moemoea nebenehe a Iakoba. Genese 27: 46; 28; 29; 30:24.

Febuare 19. Te hoê taputoraa i te tuiiraa po. Genese p. 22.

Febuare 26. Hi'opoaraa.

PUPU PITI

Irava tamau aau: *Etera 12:23*

E ua na ô atura vau ia'na, E te Fatu, e vahavaha mai te Etene i teie nei mau mea no to matou paruparu i te papai; ua faariro oe ia matou ei mea puai i te parau i te faaroo, aita râ i te papai i te parau; ua faariro hoi oe i teie nei feia atoa ia rahi ta ratou parau vaha, no te Varua Maitai ta oe i ho-roa mai ia ratou ra.

Haapiiraa

Febuare 5. Te huru o te mau arii o te atī Iareda e to ratou faatereraa. Etera p. 10; 11.

Febuare 12. Te hooraahia'tu Iosepha i Aiphiti. Genese 37:1-36.

Febuare 19. Te hopea o te mau taata o te atī Iareda. Etera p. 15.

Febuare 26. Hi'opoaraa.

PUPU TORU e te MAHA

Irava tamau aau: *Helamana 5:10*

I parau hoi oia ia'na e, e tae mai hoi ia te Fatu e faaora i to'na ra taata; e ore râ oia e tae mai e faaora ia ratou a vai noa'i ratou i te hara, e faaora atu râ ia ratou i ta ratou mau hara.

Haapiiraa

Febuare 5. Ta Nephi mâ a'oraa i te Evanelia. *Helamana p. 5.*

Febuare 12. Ta te atī Lamana tautururaa i te a'oraa i te Evanelia. Te nănă eiâ a Gadianetona.

Helamana p. 6.

Febuare 19. Te ho'iraa o Nephi i Zarahemela e ta'na a'oraa.

Helamana p. 7.

Febuare 26. Hi'opoaraa.

HAAPIIRAA PARAIMERE

No te Ava'e FEBUARE

Irava tamau aau: *Maseli 15:1-2*

O te parau mărû ra tei faaore i te riri; area te parau faaooo ra, o te riri ia te tupu. E riro te ite râ ei mea tao'a i te vaha o te taata paari ra; area te vaha o te maamaa ra, te hamanii noa ra ia i te parau maamaa.

Te Ohipa Rahi a te Orometua Haapii o te Mau Tamarii

O TE farerei-noa-raa e te haapii-noa-raa i te mau tamarii i te pŭpŭ Paraimere, o te hoê ia ohipa rahi e te nehenehe. No te aha? No te mea e, o te mau tamarii, o te mau varua maitai ratou i hamanihia e te Atua. E tei te orometua haapii teie ohipa rahi ra, oia hoi; ia aratai ia ratou e ia tauturu ia ratou i nia i te e'a o te ora.

Ia feruri tatou na nia i te faufaa o te pŭpŭ Paraimere e te tumu te reira pŭpŭ i faatiahia'i. Te imi nei tatou i te mau

rav
mal
Fei
pap
sia.
mea

1
ueu
pă
sia,
hen

2
sia,
tai

3
tai
ora

4
I
tan
pŭ
tup

1
tou

2
ma

3
haa

4
i te
tai

ravea ia faariro te mau tamarii tamaroa e te mau tamarii tamahine ei mau melo mau o te Ekalesia a Iesu Mesia i te Feia Mo'a i te Mau Mahana Hopea Nei, na roto i te haapii-papu-raa'tu ia ratou i te mau parau no te Evanelia a Iesu Mesia. E ia na reira tatou, e mea tia ia haapii tatou i teie mau mea ia ratou:

1. Te faaroo i to tatou Metua i te ra'i ra. E mea maitai ia ueuehia taua haamaitairaa o te faaroo ra i raro roa i te pã-pã o to ratou mau aau, ia faaea noa ratou i roto i te Ekalesia, ei turu no te reira, ia tupu te mau peapea e te mau faahemaraa.

2. Ia tauturu ia ratou ia ite papu roa ratou e, o Iesu Mesia, o te Tamaiti mau â oia o te Atua ora, e o oia ia te aratai e te e'a.

3. Ia tauturu i te mau tamarii ia noaa te mau peu maitai e ia tapea noa hoi i te reira i te taatoaraa o to ratou oraraa.

4. Ia tauturu ia ratou ia ite i te faufaa e te mana o te pure.

Ia haapii mau tatou i te mau parau o te Evanelia i te mau tamarii o tei tuuhia i roto i to tatou mau rima i roto i te pū-pū Paraimere, e mea tia ia haapao tatou i te mau parau faatupu mana'o i papaihia i raro nei:

1. Ia faatupu noa tatou i te here e te aroha i roto i to tatou iho mau aau no te mau tamarii atoa e haapiihia e tatou.

2. Ia faaoromai noa tatou, e ia tauturu noa hoi tatou i te mau tamarii.

3. Ia tamau maitai tatou i te parau haapii na mua a'e i te haapiiraa.

4. Ia tamata tatou i te faaite atu i te mau aamu nehehehe i te mau tamarii ia taa ia ratou te auraa mau o te parau maitai ta tatou e haapii.

5. Ia opere tatou i te mau ohipa i te mau tamarii, e ia imi hoi tatou i te mau ravea ia farii ratou, e ia tauturuhia hoi ratou i te mau ohipa atoa a te pūpū. E noaa ia tatou te ite rahi a'e na roto i to tatou iho raveraa. Ia faarave-noa-hia te mau tamarii i te ohipa.

E te mau orometua here e, ia haamaitai noa te Atua ia outou i to outou haapiiraa i te mau tamarii, ia haamanniahia ta tatou ohipa maitai i roto i teie matahiti i mua nei.

Papahia e A'ona Setefano.

EDITORIALE

IE vai ra e piti noa iho ekalesia i teie nei ao: te hoê ra, o te Ekalesia ia a te Arenio a te Atua ra, e te piti ra, o te ekalesia ia a te diabololo. E ua parauhia te piti ra, o te metua vahine ia o te mau mea faufau ra; oia hoi, te vahine faaturi o te ao atoa nei.

Na roto i te tohuraa i papahia i roto i te Buka a Moromona ra, te vai ra te mahana e tupu ai te tama'i i ropu i taua na ekalesia nei. Atira noa'tu, ua rahi a'e te ekalesia a te diabololo i te tai'o i te ekalesia a te Arenio a te Atua, e ua rahi a'e to ratou mana i nia i te ao nei; i te reira mahana e faatupuhia'i taua tama'i ra, e pou mai ai te mana o te Arenio a te Atua i nia iho i te feia mo'a o te ekalesia a te Arenio ra, e i nia iho hoi i te feia i maitihia e te Fatu ra, o tei purara i te mau fenua o te ao atoa nei; o te parauhia e te mana o te Atua i te hanahana rahi ra, o ta ratou ia mauhaa.

E ia tae mai te mahana e tae ai te riri o te Atua i nia i te ekalesia rahi e te faufau o te ao atoa ra, e haamatahia'i te ohipa a te Metua i te faaineineraa i te e'a no te faatupuraa i ta'na mau faufaa, ta'na i faaau i to'na ra mau taata, no te utua-fare ratou o Iseraela ra. (I Nephi 14:14, 17)

I r
te fer
mau
ravea
No re
i te tu
hi rev
hi vah
roto i
ra rat
500 ta
ta'na

Ua
ratou
Ua te
maile
000 ta
i na ta

Te
merik
taua t
te mau
hia oia
nua ra
tino e
te tapa
i te ho
i te ta
ta ino
hoê va
tane, e
ora ra

Ua
i te Ta
ra mal
hi ra,
taata e
ratou i

Ua r
auahi i
huru n

TE MAU PARAU API

I roto i te ava'e Novema i mairi a'enei ua roohia te hoê taata ona i te fenua Peru, i Amerika apatoa, i te hoê ma'i rahi. Raaubhia ihora oia e te mau taote i reira, aita râ oia i ora ia ratou. Ite ihora oia e, aita ta'na e ravea maori râ ia tae oioi roa oia i te hoê taote o tei ite roa i to'na huru ma'i. No reira, tarahu ihora oia i te hoê pahi reva no te tere atu i te hoê fare ma'i i te tufaa fenua Minesota i Amerika apatoerau. Ua faaineinehia hoi taua pahi reva ra mai te hoê fare ma'i nainai te huru e ua tere te tahi taote e te tahi vahine utuutu i pihaiho ia'na. Afahia ihora ratou i na tauatini maile na roto i te reva, e teie ia te maoro o to ratou tere, oia hoi, e 52 hora. Tae atu ra ratou i te fare ma'i i te 14 no Novema e ua aufau oia i te moni ra e 112, 500 tara moni Farani no taua tere no'na ra. Ua roaa ia'na te rê matamua i ta'na tama'i i te pohe.

Ua riro i na taata Baretane tooiva te rê no te atea e te vitiviti o to ratou tere-noa-raa na nia i na pahi reva tama'i e toru no te hau Baretane. Ua tere ratou mai te fenua Aiphiti i te fenua Australia, oia hoi, e 7,160 maile i te atea i roto i na mahana e piti. Ua mana'ohia e, ua pau e 7,500, 000 tara, moni Farani, no te reira tere. I te matahiti 1937 râ ua riro te rê i na taata Rutia tei tere e 6,306 maile i na hora e 62.

Te ite nei te matapo. Ua riro te poheraa o te hoê taata ino roa i Amerika ei haamaitairaa i na taata maitai tootoru. O Ioane Deering te i'oa o taua taata ino ra. No te rahiraa o ta'na mau hara ua tapeahia oia i roto i te mau fare auri e 20 matahiti i roto i to'na oraraa. I te hopea râ, ua pupuhia oia e te hau no te mea ua taparahi atura oia i te hoê taata i te tufaa fenua ra i Utaba. Na mua a'e i to'na taparahiraahia râ, ua horoa oia i to'na tino e to'na na mata i te mau taote e te mau taata ite hohonu. Ia oti oia i te taparahihia, ua iritihia mai to'na na mata e ua haponohia te reira na nia i te hoê pahi reva i te tufaa fenua ra i Calafornia. Tapu ihora te mau taote i te tahi mau tufaa o taua na mata ra, e faatano ihora i te reira i te mau mata ino o te hoê aiû, e 4 to'na matahiti, te hoê tane, e 27 to'na matahiti, e te hoê vahine ruau, e 65 to'na matahiti. E na roto i te reira ohipa te ite nei te tane, e te faaite mai nei te mau taote e, e ite atoa te aiû e te vahine ruau ia ora rana.

Ua riro te oire rahi no te hau i te fenua Tinito, oia hoi, o Canton, i te Tapone i te 21 no te ava'e Atopa i mairi a'enei. Na mua a'e râ i te reira mahana ua faarue te mau taata toro'a no te hau Tinito i to ratou oire rahi ra, e ua haere ratou i na hanere maile i uta. Ua faarue atoa na tauatini taata e rave rahi i taua oire ra e te mau oire i pihaiho i te reira e ua imi ratou i te mau ravea'toa ia tae ratou i te mau vahi i uta roa.

Ua riro e na te pae rahi o te mau oire i te pae miti e te mau e'a pereoo auahi i te Tapone. Te faarahi nei râ te Tinito i to ratou nuu faehau e e mea huru manuia ratou i roto i te ava'e Ditema.

Ei Hau to te Oire Mo'a. I te 20 no te ava'e Atopa i mairi a'enei ua faatupu faahou te nuu faehau o te hau Baretane i te hau i rotou i te atī Iuda e te atī Arabia i te oire Ierusalemā. Ua tupu noa te mau maroraa e ua haamanii-noa-hia te toto o taua na nunaa toopiti ra mai te matahiti 1935 e tae roa mai i te hopea o te ava'e Atopa i mairi a'enei. Ua tonohia e 20, 000 faehau i reira ia faatupuhia-faahou-hia te hau.

Fenua Purutia: Te hamani-ino-noa-hia nei ā te atī Iuda i te fenua Purutia, e te imi nei ratou i te mau ravea atoa ia haere atu ratou i te tahi atu ā mau fenua. Ua haere ē na te tahi mau tamarii o te atī Iuda i te fenua Baretane, e te imi nei te mau hau i te ravea ia tauturu ia ratou.

No Teie Paeau

Ua tae mai, i Papeete nei, na orometua apī toopiti no te fenua U-taha mai, i te 3 no Titema i mairi a'enei. O teie ia to raua na i'oa: o Lui Randall e o Teremera Braegger. Ua tae mai hoi te parau apī no ô mai i te Peretiteniraa Matamua i Roto Miti, e tae mai te tahi na orometua apī i Papeete i te mau mahana matumua no te ava'e Tenuare nei. O Viriamu Young e o Farani Sanford ia to raua na i'oa.

Ua pohe roa o Hutia ā Piriura, o tei faaea i te fenua ra i Niau, i te mahana matamua no Atopa i mairi a'enei. Ua rave itoitō oia i te ohipa i roto i te Ekalesia nei, mai to'na apīraa e tae noa'tu i to'na poheraa. Ua mauruuru roa to to'na iho amaa e te mau taata atoa o te Ekalesia ia'na.

Fare Haapiiraa Apī i Takaroa: Ua papai mai o Tufariua ā Taha i te parau apī e, ua hamanihia te hoē fare haapiiraa apī no te mau tamarii i Takaroa, e ua tomohia te reira i te 18 no Novema i mairi a'enei. I taua taimē ra ua faatupu ratou i te hoē tamaaraa rahi e te tahi mau hautiraa. O teie ia te huru o te faaotiraa o ta'na rata: "E mauruuru rahi to matou i to matou Tavana Rahi e to matou Tavana Hau e to matou Hau Metua o tei hapono mai i to matou orometua haapii, no te mea e, no te reira i roaa mai ai te ite rii i ta matou mau tamarii. No reira te parau nei matou i teie nei mahana, **la Ora Farani Rahi.**"

Te hoo o teie nei ve'a:

E pae farane i te matahiti hoē;

E hoē ahuru farane no na matahiti e toru.

Neneihia i roto i te Piha Neneiraa a te Ekalesia a Iesu Mesia

I Te Feia Mo'a I Te Mau Mahana Hopea Nei.

Papeete, Tahiti.

Marcel Bonnet Gérant

Kenneth R. Stevens, Imprimeur.

Rue Dumont d'Urville, Orovini, Papeete, Tahiti.